

2.-) MODIFICACIÓN DA ORDENANZA FISCAL DA TAXA POR EXPEDICIÓN DE DOCUMENTOS ADMINISTRATIVOS:a)ELIMINAR os seguintes apartados:

- ❖ NO EPÍGRAFE PRIMEIRO: Apartado 4.-Voantes de Fe de Vida; Apartado 5 Certificados de conduta; Apartado 7.-certificados de pensións; Apartado 8.- Declaracións xuradas, autorizacións paternas e comparecencias.
- ❖ NO EPÍGRAFE SEGUNDO: Apartado 2.- Certificacións de nomenclatura e numeración de prezos urbanos encravados no termo municipal; Apartado 3.- Certificacións relacionadas co Servizo do Reclutamento; Apartado 5.- Certificación facultativa que libre un médico do Corpo da Beneficencia Municipal.
- ❖ NO EPÍGRAFE TERCEIRO: Apartado 2.- Declaracións de herdeiros para percibo de haberes; Apartado 4.- Pola acta consignando a autorización paterna outorgada a un fillo menor de idade, para conducir automóviles de uso e propiedade particular.

b)ENGADIR NO EPÍGRAFE SEGUNDO: CERTIFICACIÓN E COMPULSAS.

- ❖ 7.b) compulsas por grupo de documentos debidamente paxinados: Cinco (5) Euros por grupo, cando a suma das páxinas supere os cinco euros.
- ❖ 10.- As compulsas necesarias para expedientes que tramite e resolva o Concello, quedarán exentas.

c) ENGADIR NO EPÍGRAFE NOVENO: DOCUMENTOS EXPEDIDOS NO PUNTO DE INFORMACIÓN CATASTRAL.

❖ B) Certificacións:

B.4. Certificación Descritiva e gráfica con relación de colindantes: 1,07 Euros/páxina.

3.-) MODIFICACIÓN DA ORDENANZA FISCAL DA TAXA POR UTILIZACIÓN DE LOCAIS MUNICIPAIS:

Engadir ó "Artigo Catro: Cota Tributaria" o seguinte:

- ❖ Casa da Xuventude: 10,42 euros/hora ou fracción.
- ❖ Estarán exentos do pago as Asociacións existentes no Concello, outras Administracións Públicas e os Grupos Políticos Municipais en calquera dos locais que se relacionan neste artigo."

Lourenzá, 21 de abril do 2015.- A Alcaldesa - Presidenta, Emma Álvarez Chao.

R. 1724

Anuncio

O Pleno do Concello de Lourenzá na sesión extraordinaria celebrada o día 20/02/15 acordou aprobar inicialmente a Imposición da ORDENANZA MUNICIPAL DA XESTIÓN DA BIOMASA E DISTANCIAS DAS PLANTACIÓNS DO CONCELLO DE LOURENZÁ, e, resultando que dita ordenanza foi exposta ó público polo prazo de trinta días hábiles mediante anuncio no BOP. núm.51 de 04/03/2015 sen que durante ese prazo se presentasen reclamación algunha, polo que se entende definitivo o acordo inicialmente adoptado co texto da ordenanza que se transcriben a continuación:

PRIMEIRO.- Aprobala Ordenanza MUNICIPAL DA XESTIÓN DA BIOMASA E DISTANCIAS DAS PLANTACIÓNS DO CONCELLO DE LOURENZÁ, sendo o seu contido literal o que segue:

"EXPOSICIÓN DE MOTIVOS

De conformidade coa potestade regulamentaria atribuída polos artigos 4.1 da Lei 7/1985, de 2 de abril, Reguladora do Réxime Local e 6.1 da Lei 5/1997, do 22 de xullo, reguladora da Administración Local de Galicia, o Concello de LOURENZÁ a medio da presente Ordenanza propónse a regulación da xestión da biomasa e da distancia das plantacións, no solo urbano, de núcleo rural e urbanizable delimitado, no ámbito das súas competencias co obxecto de conseguir as axeitadas condicións de salubridade e seguridade para previr e evitar os incendios, protexendo dos mesmos as infraestruturas e equipamentos sociais, as zonas edificadas e as áreas forestais e naturais de valor especial.

CAPÍTULO I: DISPOSICIÓNS XERAIS

Artigo 1.- Fundamento.-

A presente Ordenanza é de aplicación no marco do disposto na Lei 7/2012, de 28 de xuño, de montes de Galicia, na Lei 3/2007, de 9 de abril, de prevención e defensa contra os incendios forestais de Galicia e tamén na Lei 9/2002, do 30 de decembro, de ordenación urbanística e protección do medio rural de Galicia e o Decreto 28/1999, polo que se aproba o Regulamento de Disciplina Urbanística.

Artigo 2.- Finalidade.-

Está Ordenanza ten natureza non fiscal, e a súa finalidade é establecer as condicións para levar adiante a xestión da biomasa e a fixación das distancias para plantacións nos terreos clasificados como urbanos, de núcleo rural ou urbanizables delimitados sitios no termino municipal de LOURENZÁ.

Artigo 3.- Ámbito de aplicación.-

A presente Ordenanza é de obrigado cumprimento para as persoas responsables conforme ao definido no artigo 4, que teñan o seus terreos dentro do termo municipal de LOURENZÁ.

Conforme o disposto no artigo 4.2 da Lei 5/1997, de 22 de xullo, reguladora da Administración local de Galicia, a presente Ordenanza será de aplicación en todo o non previsto pola lexislación básica.

Artigo 4.- Persoas responsables.-

A efectos desta Ordenanza, entenderase como persoas responsables ás persoas titulares ou no seu caso aos titulares do dereito de aproveitamento sobre os terreos urbanos, urbanizables delimitados e de núcleo rural, así como as administracións, as entidades ou as sociedades que teñan encomendada a competencia sobre a xestión, ou cedida esta en virtude dalgunha das formas previstas legalmente, das vías de comunicación e das

liñas de transporte de enerxía eléctrica, sobre os tipos de solo referidos anteriormente.

Artigo 5.- Definicións.-

Aos efectos desta Ordenanza, defínense os seguintes termos:

SOLO URBANO: Terreos que o planeamento urbanístico (Plan Xeral ou Normas Subsidiarias de Planeamento) tivera definido e clasificado como tal en virtude do disposto no artigo 11 da Lei 9/2002.

NÚCLEOS RURAIS: Terreos que se incluían dentro dos núcleos rurais delimitados no planeamento municipal, de conformidade co disposto no artigo 13 da Lei 9/2002.

SOLO URBANIZABLE DELIMITADO: Terreos que non tendo a condición de solo urbano, de núcleo rural nin de solo rústico o planeamento urbanístico tivese definido e clasificado como tal ao poder ser obxecto de transformación urbanística nos termos fixados no artigo 14 da antedita Lei 9/2002.

XESTIÓN DA BIOMASA: A creación e mantemento da descontinuidade horizontal e vertical da carga de combustible, a través do control ou eliminación parcial ou total da biomasa vexetal por medio do emprego das técnicas máis recomendadas e coa intensidade e frecuencia para o cumprimento do obxecto previsto nesta ordenanza. Tendo en conta que os terreos situados en solo urbano, de núcleo rural ou urbanizable delimitado teñen unha natureza residencial ou habitacional, polo que os riscos para os bens e as persoas, por motivos de incendios de vexetación, deben minorarse drasticamente e primar a seguridade.

CAPÍTULO II. DA XESTIÓN DA BIOMASA

Artigo 6.- Xestión da Biomasa.-

As persoas responsables terán a obriga de xestionar a biomasa das fincas incluídas en solo urbano, urbanizable delimitado ou de núcleo rural conforme aos criterios establecidos nesta Ordenanza, así como mantelas nas debidas condicións de seguridade e salubridade, debendo proceder a súa desinfección e desratización periódica.

Artigo 7.- Criterios de Xestión da Biomasa.-

1- Consonte ao disposto na Lei 3/2007, de Prevención e Defensa contra os incendios Forestais de Galicia, as persoas responsables dos terreos ubicados en solo urbano, urbanizable delimitado ou núcleo rural deberán acometer os criterios de xestión da biomasa establecidos neste artigo para cada clase de terreo, en todo caso, antes do 301 de xuño de cada ano.

2- Nos terreos clasificados como solo urbano, solo de núcleo rural e solo urbanizable delimitado, as persoas responsables deberán facer a xestión da biomasa na totalidade da parcela conforme aos seguintes criterios:

a) Roza para a eliminación do estrato herbáceo e arbustivo sempre que supoña un mínimo risco para a propagación dos incendios incontrolados de vexetación. 1 A data é unha previsión conforme ao estipulado na Lei. En todo caso, o concello pode fixar unha data anterior se así o estima conveniente.

b) Poda e rareo do estrato arbóreo de forma que se manteña unha descontinuidade horizontal entre as copas das árbores e vertical entre estas e os estratos herbáceo e arbustivo. Este criterio non serán aplicable en parques e xardíns municipais, árbores senlleiras ou aquelas que cumpran funcións ornamentais ou se atopen illadas e non supoñan un mínimo risco para a propagación de incendios incontrolados de vexetación.

3- Nos espazos previamente definidos como redes secundarias de faixas de xestión de biomasa nos plans municipais de prevención e defensa contra os incendios forestais, será obrigatorio para as persoas responsables, nos termos establecidos no artigo 21 ter da lei 3/2007 de prevención e defensa contra os incendios forestais de Galicia, xestionar a biomasa vexetal nunha franxa de 50 metros perimetral ao solo urbano, de núcleo rural e urbanizable delimitado, así como arredor de edificacións, vivendas illadas e urbanizacións, depósitos de lixo, parques e instalacións industriais, situadas a menos de 400 metros do monte, de acordo cos criterios para a xestión de biomasa estipulados na lei 3/2007 de prevención e defensa contra os incendios forestais de Galicia e na súa normativa de desenvolvemento.

Ademais, nos primeiros 30 metros non poderá haber as especies sinaladas na disposición adicional terceira da lei 3/2007, que se recollen no anexo I desta ordenanza. As distancias mediranse desde o límite do solo urbano ou núcleo rural, de ser o caso. As distancias no caso de edificacións, vivendas illadas ou urbanizacións

mediranse desde o seu paramento. No caso de depósitos de lixo, parques e instalacións industriais, mediranse desde o límite das instalacións.

No caso de cámpings, gasolinerías e industrias en que se desenvolvan actividades perigosas consonte o establecido na Lei 1/1995, do 2 de xaneiro, de protección ambiental de Galicia, e na súa normativa de desenvolvemento, as distancias para as especies sinaladas na disposición adicional terceira da lei 3/2007 serán de 50 metros, desde o límite das instalacións. No caso dos cámpings, esta distancia medírase desde o peche perimetral.

4- Tal e como establece a disposición transitoria terceira lei 3/2007 de prevención e defensa contra os incendios forestais, mentres non se definan as redes secundarias de faixas de xestión da biomasa nos plans municipais de prevención e defensa contra os incendios forestais, serán directamente aplicables as obrigas derivadas do disposto no artigo 21 da lei, descritas no punto 3 deste artigo.

Artigo 8.- Execución subsidiaria.-

Se as persoas responsables non realizan os traballos de xestión da biomasa nos prazos fixados polo Concello, este poderá levar adiante os mesmos, logo do previo apercibimento en forma e sen prexuízo da imposición, previo a tramitación do oportuno expediente, das sancións procedentes.

Os custos derivados deses traballos serán repercutidos, se é o caso, as persoas responsables, procedendo, de ser o caso, ao cobro dos gastos que se ocasionen ao Concello a través do procedemento de apremio.

CAPÍTULO III DAS DISTANCIAS DAS PLANTACIÓNS

Artigo 9.- Prohibicións e Distancias das repoboacións forestais e plantacións.-

1- De conformidade co disposto na Lei 7/2012, de Montes, quedan prohibidas as repoboacións forestais nos terreos clasificados como solo urbano, urbanizable delimitado e de núcleo rural.

2- No seu caso as repoboacións forestais preexistentes antes da entrada en vigor da lei 7/2010, de montes, deberán adecuarse para gardar, respecto das edificacións, vivendas illadas, pozos, e instalacións industriais, a distancia mínima de 15 metros cando se trate de especies frondosas (Anexo II desta Ordenanza), e de 30 metros no resto de especies, tal e como establece a lei 7/2012 de montes de Galicia.

3- Nos supostos de plantacións de árbores frutais, setos ou árbores ornamentais as distancias serán as fixadas na correspondente ordenanza urbanística deste Concello, e de non existir serán asfixadas pola normativa que resulte de aplicación.

Artigo 10.- Licenzas e permisos para talas.-

1. As talas e os abatementos de árbores que constituían masa arbórea, espazo boscoso, arboreda ou parque en solo urbano, núcleo rural e urbanizable delimitado estarán suxeitas á obtención da previa licenza municipal por parte deste Concello.

2. Así mesmo segundo o establecido na disposición transitoria 5ª da lei 7/2012 de montes, o aproveitamento das masas forestais existentes no momento da entrada en vigor da lei 7/2012 en solos urbanizables delimitados estará sometido á o réxime de autorizacións da citada lei ata o desenvolvemento urbanístico dos citados solos, momento en que precisarán da licenza municipal descrita no punto 1 deste artigo.

CAPÍTULO IV: RÉXIME SANCIONADOR

Artigo 11.- Competencia.-

Corresponde ao Concello de LOURENZÁ a través da alcaldía ou concelleiro no que delegue, a inspección e sanción das infraccións, previa a instrución do correspondente expediente, das obrigas reguladas nesta Ordenanza.

Cando se detecten infraccións de índole penal ou de competencia doutras Administracións darase conta inmediata das mesmas a autoridade ou organismo que corresponda.

Artigo 12.- Clasificación das infraccións.-

Considéranse infraccións administrativas en relación coas materias as que se refire esta Ordenanza, os actos u omisións que contraveñan o establecido nas normas que integran o seu contido.

As infraccións clasifícanse en leves, graves e moi graves.

Artigo 13.- Infraccións leves.-

a) Constitúe infracción leve as condutas constitutivas de infracción reguladas nesta ordenanza cando non deban cualificarse como graves ou moi graves.

b) Non proceder á xestión da biomasa cos criterios regulados nesta Ordenanza.

Artigo 14.- Infraccións graves.-

a) Non proceder á xestión da biomasa cos criterios establecidos nesta Ordenanza, unha vez notificada a súa obriga e despois de serle notificada a valoración do custo das mesmas, cando exista risco inminente de incendio para as vivendas e persoas.

- b) Non permitir o acceso ao persoal de vixilancia a inspección dos terreos.
- c) A negativa a subministrar información a autoridade municipal, funcionarios e axentes en cumprimento das súas funcións.
- d) A realización de plantacións sen gardar as distancias establecidas na presente ordenanza.
- e) A realización de plantacións nos lugares expresamente prohibidos na presente ordenanza.
- f) A reincidencia en infraccións leves. Enténdese que existe reincidencia pola comisión no termo dun ano dunha infracción leve, cando así fose declarado por resolución firme.

Artigo 15.- Infraccións moi graves.-

- a) Cando houbese grave repercusión nos recursos naturais.
- b) A reincidencia en infraccións graves. Enténdese que existe reincidencia pola comisión no termo dun ano dunha infracción grave, cando así fose declarado por resolución firme.
- c) A resistencia, coacción ou ameaza a autoridade municipal, funcionarios e axentes.

Artigo 16.- Sancións.-

1. As sancións aplicables serán as seguintes:

- a) Por infraccións leves, multa dende 100 a 600 euros.
- b) Por infraccións graves, multa dende 601 a 1.500 euros.
- c) Por infraccións moi graves, multa de 1.501 a 3.000 euros.

2. As sancións graduaranse en función dos seguintes criterios:

- a) Grado de intencionalidade.
- b) Contía do beneficio obtido.
- c) Natureza dos prexuízos causados.

Disposición Adicional.-

Como Anexo I a esta Ordenanza inclúese a relación de especies non permitidas nas redes secundarias de xestión de biomasa, recollidas da disposición adicional 3ª da lei 3/2007 de prevención e defensa contra os incendios forestais e como Anexo II a relación de especies de frondosas, recollidas do anexo I da lei 7/2012 de montes de Galicia.

ANEXO I. Relación de especies non permitidas nas redes secundarias de xestión da biomasa Piñeiro do país, piñeiro silvestre, piñeiro de Monterrey, piñeiro de Oregón, mimosa, acacia negra, eucalipto, queiruga, carqueixa, xesta, carpaza, piorno, fento, silva e toxo.

ANEXO II. Relación de especies de frondosas Ameneiro, pradairo, bidueiro, freixo, castiñeiro, cerdeira, carballo, cerquiño, sobreira, carballo albar, aciñeira, abeleira, faia, umeiro, loureiro, sorbeira do monte, capudre, nogueira e érbedo.

Disposición Transitoria.-

As plantacións forestais existentes á entrada en vigor da presente Ordenanza que, como consecuencia da súa aplicación, atopáranse a unha distancia menor a regulada no seu artigo 7, disporán dun período máximo de dous anos para adaptarse a citada disposición, agás autorización do órgano competente da Xunta de Galicia en materia forestal.

Disposición Derrogatoria.-

Queda, derogadas todas as disposicións municipais que contraveñan o disposto na presente Ordenanza.

Disposición Derradeira.-

A presente Ordenanza entrará en vigor no día da súa publicación no Boletín Oficial da Provincia.”

En Lourenzá a 21 de abril do 2015.- A Alcaldesa - Presidenta, Emma Álvarez Chao.

R. 1725

Anuncio

O Pleno do Concello de Lourenzá na sesión extraordinaria celebrada o día 20/02/15 acordou aprobar inicialmente a Imposición DO “REGULAMENTO SOBRE USO DE FACTURA ELECTRÓNICA NO CONCELLO DE LOURENZÁ (LUGO)” e, resultando que dito Regulamento foi exposto ó público polo prazo de trinta días hábiles mediante anuncio no BOP. núm. 51 de 04/03/2015 sen que durante ese prazo se presentasen reclamación algunha, polo que se entende definitivo o acordo inicialmente adoptado co texto do Regulamento que se transcriben a continuación:

“PRIMEIRO.- Aproba-lo Regulamento sobre uso de Factura Electrónica no Concello de Lourenzá, nos termos nos que está redactado que son os que se transcriben a continuación: